

【经文信息】大正藏第 21 册 No. 1410

佛说胜幡瓔珞陀罗尼经 1 卷

No. 1410

佛说胜幡瓔珞陀罗尼经

西天译经三藏朝散大夫试鸿胪少卿传法大师臣施护奉 诏译

如是我闻。一时佛在喜乐山顶。天宫不远仙人住处与大比丘众千二百五十人俱。复有菩萨摩訶萨。文殊师利童子及贤护菩萨等。十六大士皆来集会。

尔时世尊三昧正受。观彼天上人间。而欲说法平等施与。当使有情得闻法已。称赞殊胜咸令欢喜。

尔时大梵天王及天龙夜叉干闥婆阿修罗迦楼罗紧曩罗摩睺罗伽人非人等亦来集会。

是时大梵天王前诣佛所。稽首佛足合掌恭肃而白佛言世尊。一切有情造种种罪业。身坏命终堕于恶趣。或堕焰魔界或堕饿鬼界或堕畜生界。既堕如是诸恶趣已受种种苦。及彼色等轮回亦然。世尊大慈大悲无量善巧愿施方便。破坏如是一切有情。罪业果报使得解脱。

尔时观世音菩萨摩訶萨。与无数持明天前后围绕亦来集会。至佛所已五轮着地。礼佛双足合掌肃恭。而白佛言世尊。大威德者十力具足。惟愿方便施诸善巧。救拔一切轮回有情令得出离。

佛言善哉善男子汝等谛听。今为汝等及未来世一切有情。宣说最上胜幡明王。若有得闻此名能称念者。当得无量无边功德果报。即说陀罗尼曰。

怛爾也(二合)他(引)迦囉迦囉枳哩枳哩俱嚕俱嚕娑囉娑囉悉哩悉哩酥嚕酥嚕薩
哩嚩(二合)沒驮(引)嚩路(二合)枳帝(引)嚩囉嚩囉達哩摩(二合)目契(引)左囉左囉僧
伽(引)地瑟耻(二合)帝(引)婆囉婆囉阿爾迦沒驮俱(引)胝婆(引)史帝(引)刹拏(引)刹
拏(引)薩哩嚩(二合)羯哩么(二合)嚩囉拏爾薩哩嚩(二合)播(引)波爾薩哩嚩(二合)耨

佉(引)爾何波曩野部哩(二合)咤部哩(二合)咤度哩(二合)咤度哩(二合)咤怛咤怛咤
萨普(二合)咤野萨哩嚩(二合)羯哩么(二合引)嚩啰拏(引)播(引)野讷哩識(二合)底爾
萨哩嚩(二合)萨怛嚩(二合引)喃(引)左娑嚩(二合)诃

善男子此胜幡瓔珞陀罗尼。是彼恒河沙等诸佛同共宣说。我为汝等今复宣说。善男子此陀罗尼希有难遇。譬彼如来出兴于世难得值遇。此陀罗尼得值遇者倍复甚难。若有善男子善女人。得闻是胜幡瓔珞陀罗尼名字。信心受持恒常读诵者。是人所有五逆重罪悉皆灭尽。得见果报获大富贵于当来世得生上族。若复善男子善女人。以此陀罗尼殊胜功德。广宣流布为人解说。或劝人书写受持读诵。我即遥知。乃至毘婆尸佛。尸弃佛。毘舍浮佛。拘留孙佛。羯诺迦牟尼佛。迦叶佛。如是过去恒河沙等如来应正等觉皆悉闻知。是人功德无量无边。

尔时观世音菩萨。妙吉祥菩萨。贤护菩萨等。及大比丘众乃至一切天。及天人阿修罗干闥婆人非人等。闻佛所说皆大欢喜信受奉行。

佛说胜幡瓔珞陀罗尼经

【经文信息】大正藏第 21 册 No. 1410 佛说胜幡瓔珞陀罗尼经

【版本记录】CBETA 电子佛典 Rev. 1.8 (Big5)，完成日期：2009/04/23

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，北美某大德提供

【其他事项】本数据库可自由免费流通，详细内容请参阅【[中华电子佛典协会数据库版权宣告](#)】
